

龍溪縣志卷之一

建置沿革

邑自九龍啓瑞始奠提封靈跡肇開易甌脫而都

會之乃隸閩隸粵屬福屬泉輾轉紛綸歷數朝而

靡有定迨唐貞元間移置州治而邑遂為附郭要

衝爰詳厝注之權輿作編摩之圭臬志建置沿革

龍溪縣禹貢揚州之域周為七閩地春秋為越地秦為

閩中郡地漢為冶縣及侯官縣地屬會稽郡吳屬建

安郡晉為同安縣地屬晉安郡隸揚州又隸江州梁

天監中析晉安地置南安郡大同六年九域志作梁天監中今依

龍溪縣志

卷之一

建置沿革

一

嘉定府志析南安郡地置龍溪縣以時有九龍戲於溪因

以名邑仍屬南安郡隋為建安郡四縣之一隋初改豐州為

泉州廢建安南安二郡為縣大業三年復建安郡領縣四閩建安南安龍溪按是年復省級安縣併入龍

溪唐武德初屬建州六年復屬泉州今福州嗣聖閒屬

武榮州今泉州景雲二年改泉州為閩州改武榮州為

泉州移府治於晉江邑仍屬焉開元二十九年改屬漳州嗣聖

三年左郎將陳元光疏請建州泉州潮時州隸嶺南經

畧使天寶元年屬漳浦郡時改漳州為漳浦郡還隸福建經畧

使十年又改隸嶺南乾元二年復改漳浦郡為漳州

上元元年還隸福建興元元年刺史柳少安請移州



治於龍溪未報貞元二年攝州事陳謨請於觀察使
盧碁以狀聞始以邑爲州治宋隸威武軍又隸福建
路元屬漳州路隸福建行中書省至治中析七都置
南勝縣今南靖明屬漳州府隸福建布政使司隆慶元
年析五都置海澄縣

國朝因之

按縣始於梁大同州始於唐嗣聖是置縣在置州之
先矣古縣在十二三都而遷移年代歷志缺不書若
柳少安傳少安爲刺史按部至龍溪顧謂別駕陳謨
曰此縣可建州治大江南旋而東注諸峯北環而回
顧且本州屬地也或其時建州於縣境而非建州於
縣治州治建而縣治並移耶然此乃臆說不足據固
不能無憾於前人編次之疎畧也

龍溪縣志

卷之一

建置沿革

二

星野

連貝散錦天之精也斟酌元氣齊七政平四時使宿離不忒焉則占驗之術爲已淺乃唐書天文志載王潮起兵漳州而星孛於斗牛清漳故事占驗亦既有徵是邑雖蕞爾亦元象之所包絡其說固不可得而廢也因折衷羣言而擇其可據者著於篇志星野

龍溪縣其域爲揚州其次爲星紀其宿爲牛其辰爲丑其緯星爲熒惑

按星紀統斗牛女三星鄭康成周禮註以爲吳越分

龍溪縣志

卷之一

星野

三

野自是以後言閩分星者或屬斗牛或屬牛女言人殊矣惟魏陳卓云會稽入牛一度吳虞翻云會稽上應牽牛之宿下當少陽之位唐僧僧一行云牽牛去南河寢遠自豫章迄會稽南逾嶺徼爲越分其說尤爲天官家之所深躋閩中郡邑乘咸遵之獨漳郡志從里差歲差之法謂龍溪漳浦海澄長泰四縣屬牛六度四分之一南靖平和漳平龍巖寧洋詔安六縣屬女七度七分之三與諸說異考我

朝時憲書牛七度四十一分女十一度三十九分又考鄭宗彊星經每星一度轄地一千四百六里有奇夫

星經雖不足盡信而度則可憑今平和漳平諸邑相去或百里而遙而南靖卽龍溪漳浦所分地乃歷牛及女越八度有奇不應若是之遼濶也

南靖縣志亦云廣東潮州

府牛分野惠州府女分野今靖地附漳四十里南隣漳浦西南隣平和皆與潮之饒平大埔爲界則星野尚未入女大抵古法以星察州以星之度察郡邑先儒謂

其書已亡郡國所入度非古數

國家用西法亦謂分野不甚足據卽以西法考之爲度三百六十與古所云周天三百六十五度其不同者一也星紀宮起箕終斗與古所云統斗牛女三星其不同者二也中氣過宮恆星有歲進之差故宮無定

龍溪縣志

卷之一

星野

四

宿而宿可以遞居各宮與古用歲差法而宮與星仍不易其不同者三也夫交宮之度積差而變泥古則不合會是區區彈丸地而必於十二次求其宿宿求其度度求其分請以俟世之精甘石之術者

疆域 附鄉都街市

邑初建時奄有蘭水綏安之地北接潮南隣泉幅員固甚廣也唐卽綏安舊治建州而地始析至元明又屢裂而縮之言疆索者不無今昔之殊焉若乃畫疆而爲隅爲廂爲都分而爲圖疆以內比聯伍聯族聯之不相愆負而爲保道四通而爲街分厘列肆貿遷有無而爲市今井里則櫛比也室廬則鱗次也人則袂雲汗雨貨則迸泉積阜也溝封雖改豈不依然一都會哉志疆域

龍溪縣東西廣一百一十里南北袤六十里

按此從疆索之縱橫

龍溪縣志

卷之一

疆域鄉都街市

五

言之若其延袤紆折固不止是

東至景莊墓七十五里與泉州府同

安縣山邊社分界西至墨場上菰水溝東三十二里

與南靖縣溝西分界南至九龍嶺三十里與南靖縣

馬坪分界北至梅水坑東二百四十里與漳平縣坑

西分界東南至石碼龍海橋東三十二里與海澄縣

橋西分界西南至秀潭十五里與南靖縣徑口分界

東北至五里亭三十里與長泰縣古溪分界西北至

月嶺舖三十里與南靖縣寨仔後分界又東至同安

縣治一百五十里西至南靖縣治四十里南至漳浦

縣治一百二十里北至長泰縣治三十七里東北至

省城六百八十里至

京師七千五百二十五里

隅廂都圖保

宋時分六鄉三十三里一百一十五保淳祐開改里為三十都元析七都隸南靖縣明分在城為三隅附郭為三廂在鄉為十五都永樂開省一廂轄一百五十二圖後省為一百四十九圖隆慶開析一二三都至九都屬海澄縣全割二十八都之第五圖屬焉

國朝定制為三隅三廂十都一百二圖一百二十四保

按府志縣舊志俱從十一都起十都缺無可考

龍溪縣志

卷之一

鄉都

本

東北隅

宋左廂

統圖三

西隅

宋右廂

統圖二

南隅

宋城內廂

統圖三

東廂

宋城東廂

統圖一轄保十曰文昌曰元魁曰迎恩曰

東廓曰附鳳曰岳口曰官園曰慈園曰護滿曰田霞

南廂

宋城南廂

統圖一轄保六曰洋老洲曰杉巷曰姜待

曰上下沙曰馬惠曰鳳林

西北廂

無圖保

十一都

宋始安鄉惠恩里

統圖十三轄保八曰鄭黃高曰方

碩曰王平曰吳真曰鄭周林曰王五倫曰高許林曰

石碼

十二三都 宋始安鄉 惠恩里 統圖八轄保十七 同詩墩曰陳

李倫曰鄒鄭倫曰楊鄭吳曰蔡林王曰蔡美曰林尾

曰馬興曰芋園曰木棉曰任勤曰連任曰顏德貫曰

田西曰唐吉曰馬洲曰六協

二十一都 宋遊仙鄉 瑞泉里 益樂仁南北二里 統圖十轄保二十三曰

康瑤碎曰楊松曰張郭李曰謝前塘曰懷安曰南山

曰山尾曰天寶曰北山曰西文曰路邊曰塔尾曰登

坪曰魯岩曰山堯曰陳曾曰周倫曰陳推曰梅應曰

何方林曰林懷曰林堂曰墨塲

龍溪縣志

卷之一

鄉都

七

二十二都 宋遊仙鄉 龍州里 統圖五轄保六曰楊龍浦曰黃

柑曰蕭王陳曰陳黃講曰郭坑曰石浦

二十三四都 宋遊仙鄉 龍州里 統圖十一轄保十二曰陳宏

曰烏頭門曰磁碓曰蓬州曰洛濱曰杏林曰松洲曰

張奇曰寨坂曰金沙曰銀塘曰沙建

二十五都 宋遊仙鄉 九龍上里 統圖九轄保十一曰浦西曰桃

源曰歸德曰迎富曰昇平曰龍嶺曰宜招曰華封曰

珍山曰大深曰蓬萊大坑

二十六都 宋遊仙鄉 瑞泉東里 統圖七轄保十曰洋尾曰田邊

曰烏石曰茶園曰璞山曰流崗曰六石曰西洋曰坂

頭曰內林

二十七都宋永寧鄉唐化里統圖九轄保十曰詩浦曰浦頭

曰蔡耀曰陳洲曰蔡潤曰李陽曰蔡吉曰林雲曰關

下曰蔡吳唐

二十八都宋永寧鄉海洋上里統圖九轄保五曰烏礁曰許茂

曰太平曰灣頭曰劉瑞

二十九三十都宋永寧鄉海洋下里統圖十一轄保六曰四望

山曰田裡曰新埭曰洪岱曰石美曰白石舊志二十九三十都

原統十圖因與同安積善里接壤黃許二姓陸續買

龍溪米異府難以推收附寄一圖名曰外府寄庄因

龍溪縣志卷之一鄉都街市

街市

府前街

新府路街

衛口街

南市街

西橋街

馬坪街

道口街

海道後街

東坂後街

公府街

東橋街

少司徒街

漁頭廟街

步武街

東舖街

縣口街

西市頭街

開元口街

總爺街

正氣街

後街

觀口街

三聖廟街

北門街

北橋街

院路街

霞井街

俱城內

東門街

東廂

東舖頭市

縣治東

西市

縣治後

南市

縣治南

北橋市

縣治北俱城內

東街市

浦頭市

俱東廂

南橋市

新橋市

俱南廂

北聖樓市

北廟市

俱北廂

龍溪縣志

卷之一

街市

九

石碼鎮市

商賈輻輳舟徒紛集

福河市

下滸市

俱十都一

烏雲橋墟

鳳塘墟

今改為田紫俱十二三都

天寶市

宋理宗時鄭玠中京元因名京元市

寶墟

又有天

南山墟

月嶺墟

墨場墟

蓮花墟

俱二十都一

郭坑市

汝浦市

府志汝作社今廢俱二十二都

浦南墟

浦西墟

龍潭墟

俱二十四都三

華嶺市

俗名茶碕舊有稅式及子爆捐貲置

歲入五百餘

鎗里人呂祠祀之

店仔墟

山都墟

塔崙墟

黃棗墟 俱二十
五都

菓亭墟

長橋墟

長市墟 今廢

翰林市 俗呼內林今廢
俱二十六都

東美市

許茂市 俱二十
八都

石美市

壺嶼橋市

新岱市

魚尾墟 俱二十
九都